

**Broj: 01-05-6-03112/2018-III
Sarajevo, 03.07.2018. godine**

Na osnovu člana 64. stav (1) tačka b), člana 70. st. (1), (3) i (6), te čl. 88. i 89. Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-05-6-03112/2018-II od 02.07.2018. godine, Direktor Federalne uprave za inspeksijske poslove kao ugovornog organa, donosi,

O D L U K U
**o izboru najpovoljnijeg ponuđača i dodjeli ugovora o nabavci usluga
kolektivno osiguranje uposlenika Federalne uprave za inspeksijske poslove**

Član 1.

Prihvata se preporuka Komisije za javnu nabavku broj 01-05-6-03112/2018-II od 2.7.2018. godine, te se ugovor o javnoj nabavci usluga kolektivnog osiguranja uposlenika Federalne uprave za inspeksijske poslove dodjeljuje ponuđaču „ASA osiguranje“ d.d. Sarajevo, koji je nakon provedenog postupka konkurentskog zahtjeva postupka uz primjenu e-aukcije ponudio najnižu cijenu tehnički zadovoljavajuće ponude u iznosu od 18.816,00 KM.

Član 2.

Ugovor sa ponuđačem iz člana 1. ove odluke će se zaključiti pod slijedećim uslovima:

- Ukupna cijena: 18.816,00 KM,
- Planirani broj osiguranih lica: 160 (stotinušezdeset),
- Cijena osiguranja po jednom osiguranom licu mjesečno: 9,80 KM
- Rok isplate po osnovu eventualno nastalog osiguranog nesretnog događaja je: 1 (jedan) dan računajući od dana kompletiranja dokumentacije
- Ugovor će se zaključiti na period od 1/jedna/ godine od dana zaključivanja istog.
- Rok plaćanja ponuđaču je 30 /trideset/ dana od dana prijema mjesečne fakture na protokol Ugovornog organa.

Član 3.

Po okončanju žalbenog roka ugovorni organ će sa ponuđačem iz člana 1. ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

Član 4.

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Na osnovu odluke direktora Federalne uprave za inspekcijske poslove broj 01-05-6-03112/2018 od 05.06.2018. godine pokrenut je otvoreni postupak uz primjenu e-aukcije za nabavku usluga kolektivno osiguranje Federalne uprave za inspekcijske poslove. Obavještenje o javnoj nabavci broj 1292-7-2-11-3-7/18 je objavljeno na Portalu javnih nabavki dana 07.06.2018. godine. Tenderska dokumentacija je učinjena dostupnom potencijalnim ponuđačima na Portalu javnih nabavki. Istovremeno sa objavljivanjem obavještenja o javnoj nabavci na portalu javnih nabavki, u skladu sa članom 88. stav (1) Zakona o javnim nabavkama je upućen zahtjev za dostavljanje ponude na adrese 3 potencijalna ponuđača.

Dana 28.06.2018. godine Komisija za javne nabavke ugovornog organa je izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda broj 01-05-6-03112/2018-I koji je putem pošte odmah upućen ponuđačima.

Na javnom otvaranju ponuda nije prisustvovao niko od predstavnika ponuđača koji su dostavili ponudu, kao ni druge zainteresovane osobe.

Na javnom otvaranju ponuda je konstatovano da su svoje ponude blagovremeno dostavili slijedeći ponuđači, po cijenama prikazanim u slijedećoj tabeli:

r.b.	Ponuđač	Ukupna cijena
1.	„ADRIATIC OSIGURANJE“ D.D. SARAJEVO	28.800,00KM
2.	„SARAJEVO OSIGURANJE“ D.D. SARAJEVO	24.000,00 KM
3.	„ASA OSIGURANJE“ D.D. SARAJEVO	20.659,20 KM

Dana 28.06.2018. godine komisija je izvršila analizu pristiglih ponuda provjerom sadržaja i validnosti dokumentacije koju se ponuđači dostavili, te je tom prilikom konstatovala da su svi ponuđači dostavili urednu dokumentaciju traženu u postupku, odnosno da su kvalificirani za dalji tok postupka, te da ne postoje razlozi za odbacivanje ponude bilo kojeg od ponuđača. Također je konstatovano da su svi ponuđači u svojim ponudama izjavili da ispunjavaju uvjete za primjenu preferencijalnog tretmana domaćeg ponuđača.

Komisija je nakon utvrđivanja prednjih činjenica na istom sastanku utvrdila termin za e-aukciju, nakon čega je ista i zakazana u skladu sa odredbom člana 4. Pravilnika o uvjetima i načinu korištenja e-aukcije za dan 02.07.2018. godine, sa početkom u 12:00 sati.

Komisija je dana 02.07.2018. godine, nakon provedenog postupka e-aukcije na zatvorenom sastanku izvršila uvid u Izvještaj o toku i završetku e-aukcije, kojom prilikom je konstatovala da je e-aukcija trajala od 12:00 do 12:30 sati, da je ista uspješno okončana.

Također, izvršenim uvidom u Izvještaj o toku i završetku e-aukcije, Komisija je konstatovala da su ponuđači u ovom postupku dali svoje konačne ponude po cijenama prikazanim u slijedećoj tabeli:

Naziv /ime ponuđača	Početna cijena	Konačna cijena nakon e-aukcije	Rang
„ASA OSIGURANJE“ D.D. SARAJEVO	20.659,20 KM	18.816,00 KM	I
„ADRIATIC OSIGURANJE“ D.D. SARAJEVO	28.800,00 KM	19.121,00 KM	II
„SARAJEVO OSIGURANJE“ D.D. SARAJEVO	24.000,00 KM	24.000,00 KM	III

Slijedom rezultata prikazanih u Izvještaju o toku i završetku e-aukcije, komisija je konstatovala da je najpovoljnija ponuda ona koju je dostavio ponuđač „ASA osiguranje” d.d. Sarajevo, koji je za predmetne usluge ponudio ukupnu cijenu od 18.816,00 KM.

Komisija je slijedom naprijed navedenih činjenica sačinila preporuku broj 01-05-6-03112/2018-II od 2.7.2018. godine, koju je dostavila direktoru uprave na razmatranje, a u kojoj je predložila da se ugovor u skladu sa kriterijem najniža cijena ponude, dodijeli ponuđaču „ASA osiguranje” d.d. Sarajevo.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.


DIREKTOR

Anis Ajdinović

Dostaviti:

- 06-07-2018
1. "Adriatic osiguranje" d.d. Sarajevo, Trg međunarodnog prijateljstva 20, 71000 Sarajevo,
 2. „ASA osiguranje” d.d. Sarajevo, Trg međunarodnog prijateljstva 25, 71000 Sarajevo,
 3. "Sarajevo osiguranje" d.d. Sarajevo, Maršala Tita 29, 71000 Sarajevo,
 4. Sektor za materijalno-finansijske i tehničke poslove,
 5. Sektor za tehničku podršku i plansko-analitičke poslove
 6. Komsija za javne nabavke.

